

# EGNATII MONTII

P A P.

LOGICAE, PHILOSOPHIAE, MEDICINAE,  
ET ARTIUM DOCTORIS

Celeberr. Roman. Arcadum Acad. Regiaeque  
Papientis Affidatorum Sodalis ,  
in Regiam Scient. Acad. Gottingensem  
cooptati

LATINAE EPISTOLAE MEDICAE  
AD VIROS ILLUSTRES  
MISSAE.



PAPIAE MDCCLXVII.



---

Ex Typographiâ Joseph Bulzani Impress. Civitatis,  
SUPERIORUM PERMISSU.

JC

EC

**Wax**

oder  
krip  
bra  
eae  
oi i  
re i  
at ci  
i co  
ir S  
dis  
ante  
oe



JOSEPHO MARIAE GATTO

Jurisconsulto Garbaneensi  
Viro Clarissimo  
suae Patriae Patri  
& Consuli III.

EGNATIUS MONTIUS S. P.

**E** Pluribus illis meis Opusculis , quae TIBI offerre statueram , Vir Clarissime , quorumque Tuo ipsi nomini inscriptorum catalogum jam vulgaveram , vix ea quinque in lucem prodere nunc mihi licet , quae latinorum priora erant descripta ; mea enim haec nova itinera , mea haec nova munera , novae tum publicae , cum privatae meae res omnium illorum Opusculorum neque editioni incumbere , neque ea saltem nitidiuscule exscribere in praesentia non sinunt , & quoniam haec jam sunt cusa , ea sine cunctatione ad Te sollicitus mitto , ut eo citius aliquod officii mei testimonium TIBI , Vir Splendidissime , obijciam pro tot maximis beneficiis , quibus quinque fere abhinc annis tam vehementer TIBI devincior. Sed enim vero qua proportionem iisdem Tibi respondero , si praeter eorum pretium ,

tium , & magnitudinem ea adeo sunt innumera ut cum M. Accio Plauto (a) fateri cogar

„ Si ego item memorem quae me erga multa feci-  
„ Nox diem adimet ( fti bene

TU cum esses secundo Tuae Patriae Consul , me  
Tuae istius Regionis Medicum communi aere allexisti:  
TU iterato cum tertium esses ibidem Consul in eo-  
dem me munere confirmavisti ; a quo per triennium  
adhuc non essem vacuus, nisi si singulari, qua TU ,  
Tuumque Commune vese eminetis , moderatione me  
huic migrationi liberum reliquissetis. At haec mino-  
ra quidem sunt benefacta , quibus me liberaliter isto  
fere quinquennio cumulavisti. A nobili Tua biblio-  
theca locupletatum me sentio eruditione , ac doctri-  
nis , quae mihi certe antea non patuerant ; atque ut  
tandem ad illud spectatissimum bonum enumerandum  
descendam , quo incredibiliter delector , Tui dulcissi-  
ma Pyladea amicitia quam felicissime fruor , quo bo-  
no nec mihi antiquius , nec ingenuo homini reputo  
optabilius ; “ cum in rebus humanis ( ut docuit Au-  
gustinus (b) ) nihil *sanctius* appetatur , nihil quaera-  
tur utilius , nihil difficilius inveniatur , nihil experia-  
tur dulcius , nihil fructuosius teneatur,, . Accedit quod  
amicitiam hanc ego junxi cum Viro docto & illu-  
stri , magni illius Antonii Avunculi Tui Genuensis  
Reipublicae Consiliarii , in Regio nostro Caesareo-  
que Gymnasio Legum Interpretis , tot Classicorum  
Operum Celeberrimi Auctoris ob Sapientiam , pro-  
mulgatasque lucubrationes aemulo , aequae ac haeredi  
& Nepoti ; quarum lucubrationum posterior tantum  
meae Orationi Medicae pro Infantis vita lumen ad-  
jecit.

Con-

(a) in Captiv.

(b) in Lib. de Amicitia.


Contra tot Tua in me merita , tenuissima haec mea oblatio nullius prorsus momenti esse deberet : quantulumcumque tamen ea sit , ipsam ut pote dictatorum , quae intra Tuos ipsos parietes concepta sunt , & paullo minus expleta , TE naturali Tua comitate esse excepturum spero .

In aliquas hic latinas dictiones TU aliquando offendes , quae rem fortasse non satis exprimunt quam usitatis vocabulis barbaris promptius significarent . Rationem harum dictionum , quam nimis longum esset hic reddere , scias TE in meo illo maximo Opere , quod inscribo CLINICES STATUS , accuratissimam reperturum , ubi de vocabulis barbaris quae Libris Medicis illabi solent circa finem I. Voluminis sumus praefati ; Dissertationem & Indicem , quos ad Clarissimum nostrorum temporum Grammaticum & Sophistam jam pridem tanquam ad Judicem mittere designaveram .

Adventum Tuum , quem gratiosissime promisisti apertis ulnis quam avidissime exspecto , ut amicitiam nostram , quam immortalem fore confido , iteratis amplexibus confirmemus .

Dara Piceleon. Kal. Dec. A. C. MDCCLXVI.





**L A T I N A**  
**OPUSCULA.**





( III )

**LATINA OPUSCULA**  
**AD VIROS ILLUSTRES**  
**MISSA.**

**P R I M U M**

**Orthopnoeae siccae terribilis**  
**Historia Medica cum Sectione**  
**Cadaveris.**



**JOSEPHO BENVENUTO**  
**LUCENSI MEDICO**

**V. Cl. & Acadd. Imper. Nat. Cur.,**  
**Regiaeque Gottingensis Socio**

**EGNATIUS MONTIUS**  
**Pap. Med. S. P.**



**T** primum ad medicinam faciendam  
animos appuli tanta auctoritatum  
nec non observationum leges mihi  
legenti occurrit circa hujus artis  
defectum, atque imperfectionem  
quam maximam, ut in saeclum  
haerere mihi viderer. Hinc tum  
imperio, tum etiam exemplo mo-  
tus majorum Medicinae luminum priscorum, & nupero-  
rum, sed vehementius a ratione illa, qua scimus, ab

Observationibus Medicinam esse ortam , & ab iisdem unice promoveri , atque ampliari , decrevi statim velle me de singulis rebus , quas in diem apud aegros videre mihi contingeret , five ego illos curarem , five alii Clinici , perpetua scribere Commentaria , quae usque in praesentia libens continuo ; scitissimum illud Baglivi monitum reminiscens nos doctiorem librum non inventuros quam aegrum ipsum .

(a). Hunc ego interrogare primum soleo fere ad ravam , mox familiares : ut praegressae sui morbi causae , historiaeque notitiam penitus adipiscar . Tum minutissima quaeque illius accidentia considero , quae vel jam prodita sint , vel deinceps emergant , five a morbo , five a medicamento , five a natura , five ab exterioribus oriantur causis . Dum autem annis nuper praeteritis in Urbe Papiæ patria mea carissima studiosissimos aliquot Juvenes ad Clinicam instituerem , praeter exercitium hoc , quod mecum indefinenter facitare ipsos jubebam , modo antiquas , modo recentes meas Observationes tradebam ipsis , ut & eas magis serio perpenderent , & problemata plurima enodarent , quae historiae cuicumque rebus subnectere , & morbum , morbi signa , differentiam , prognostica , curationem , cum aliis , quae apud Auctores invenirentur , subtiliter compararent , vel si aliquid novum inesset , id annotarent , & epilogos tandem ex omnibus illis rebus conficerent , quo fieret , ut majus Scientiae Medicae , praesertim Clinices incrementum , & promptiorem in Medicina profectum sibi nanciscerentur . Volebam insuper , ut curarent in exponenda sua acroasi ab omnibus illis vocabulis barbaris se abstinere , quibus pleraque Medicorum scripta in tanta etiam hodierna literatura scatere solent ;

exac-

exactos enim, atque eruditos Medicos studens pro copia mea ipsos efficere neque aniatrologicos, neque latinae linguae literatores eos ferebam. Haec Tibi Sapientissimo Viro ad hunc finem dumtaxat scribo, ut scias quanta Ego quoque, ut Tu Vir Clarissime, jandudum urar cupiditate Clinices perficiendae, exiguumque exercitationum illarum specimen Tibi nunc fisto, historiam scilicet medicam cum sectione cadaveris, aliquibus, non tamen pluribus, ut tunc solebam, notationibus illustratam, adeo ut nec prorsus exsucca ob oculos tuos doctissimos posita crassior videatur, nec frivolis tirociniis importunissime obsit tuae fervidissimae menti fastidium faciat. Historiam autem hancce dum mitto, praestantissimo animo tuo, tuoque Reipublicae universae utilissimo ingenio morem gerere opinor, dum tam laudabili studio nos omnes publicis literis excitas ad historias hujusmodi conscribendas, Tibique nobilissimum Opus Medicum componenti celeriter subministrandas. Atque utinam plures ex his historiis mittere possem! At nullam aliam habeo hac usque inter alias innumeras, quae e natura aegrota descripsi, quae pro instituto tuo Sectionem Cadaveris comprehendat. Haec tamen si tibi utpote humanissimo non displicebit, pergam alias fortasse tibi communicare, si religionem illam ineptissimam utique, sed enim vero in his regionibus pene invincibiliter obfirmatam obtundere aliquando poterò, qua piaculum creditur Cadaverum sibi propinquorum Sectionem finire. Fac valeas, meque licet apud Te nullius adhuc coloris hominem mutuo diligas.

Data VI. Non. Maii A. C. MDCCLXIII. Garbanae prope Dertonam.

## HISTORIA



▲ C. MDCCLX. VII. Idus Maii. Quadenarius Vir cognominatus Moschinus a brachiis illustris nostrae Matronae semper pallidus, melancholicus valde, pauci eloquii, & multi laboris, pluribus abhinc annis difficili aliquantum respiratione laborabat; & praesertim postquam plus solito ambulasset, sedebat lassus, vehementer & crebro spirans. Mense Octobris anni praeteriti morbus invaluit, & per tres menses dimidiatumque alterum vix comedere poterat ob pectoris, & praecordiorum angorem, a labore tamen non vacans. Ructibus toto hujus morbi tempore scatuit.

Mense interea Novembri die quodam de prandio cordis palpitationem maximam sentiit. In posterum, major effecta est spirandi difficultas, & anhelatio. Sanguinis pondo una vice illi, incisa e brachio vena, miserunt; pluribus catapotii, & lacte cum fabula seu bacca Arabica rosta curatus, post aliquot menses videbatur in melius se vertere. Lectum deseruit, non tamen sanus.

Mense Martio nuper praegresso iterum morbus ejusdemque accidentia recruderet.

VII. Kal. Aprilis per ora venarum ei detractus est ope hirudinum sanguis. Tussis, quam antea non habebat, supervenit. Posthac magis magisque in pejus ruit. Jus gelatum plurimum ei inter cetera cyathisfabant. Post aliquod tempus iterum lectum, aegre tamen, reliquit.

Mense Aprili forte post Idus, vel etiam serius illi pedes, & crura frigido sudore noctu manabant.

V. Nonas Maji longam ambulationem fecit : sero domum petiit prorsus synecticus , & solutus. Deinceps anhelus fiebat magis , & orthopnoicus. Cubare nequibat amplius praesertim in laevum latus in quo majus sentiebat pondus. Nocte , licet opprimeretur a somno , cogebatur cernuus se in erecta genua excipere.

IIII. & III. Non. adhuc e lecto interdium surgebat per breve tempus.

Pridie Non. circa horam nonam lecto prorsus se dedit iisdem continuantibus accidentibus. Quam frustulum carnis circa haec tempora comedisset , idem pene integrum egressit.

Nonis illum jam animus destituebat , quo circa saepe in lectum se erigebat ad recipiendum spiritum , quandoque ob eandem causam e cubili quoque desiliens. Spiritus graveolens erat , venae concidebant , nec aquis intervallis movebantur. Interea in frequentes animi defectiones incidebat post miras , & indeficientes anhelationes. Tunc non respirabat , sed solum videbantur venae in jugulo palpitare , & ibi sanguis evidenter reflueret. Aceto perfricatis naribus resipiscebat ; totus inde sudabat , ructusque mittendo aliquantisper levabatur. De die jus insulsum plurimum bibit , vel aquam succo malorum citreorum acidorum conditam. Omnia calida. Frigidae enim summae hae potiones majorem anhelationem ciebant , tepidae vomitum.

VIII. Idus alvum paullulum exoneravit excrementis sanorum similibus. A coena , quod fuit pulmentum e pane contrito , potionem somniferam hausit , per sesquihoram quievit , & fortasse dormivit , sed expergefactus ita se opprimere sentiebat , ut Sacra quam citissime peteret mori continuo dubitans.

Haec curantibus aliis doctissimis Medicis evenere. Quae subsequuta sunt , ad definiendum morbum ,  
mor-

(VIII)

morbique sedem, & causam, quae tria usque ad illud tempus, praefiscine, non satis dignoscebantur, & ad praenunciandam mortem potius vocatus, quam ad medendum, ut statim viso aegro professus sum, ego ipse observavi.

VII. igitur Idus per aliquot momenta leviter inhoruerunt ei membra. Deinde animo linquebatur, & oculos tum adeo invertibat ut vix una linea nigrae eorum partis conspiceretur, vel etiam nihil. Quidquid gustabat, ipsi orthopnoeam augebat. Vinum creticum austerum pitissavit pari eventu. Ter interdiu spongiam decocto sequenti madefactam olfecit aliquo parvo levamine: quod constabat ex stoebe, helenio, & saxifraga, in quo solutum erat salis facitii e crusta doliari, succini albi contriti, & floris laseris, seu Cyrenaici succi singulorum scrupulum. Cochleare eclegmatis sumpsit, in quo erat millepedarum in farinam siccatarum, floris ejusdem Cyrenaici succi singulorum scrupulum; salis e succino obolus, balsami albi, seu styracis albae Antipodum vitello ovi exceptae, saponis Veneti, singulorum drachma, succi violarum, & succi althaeae saccharo coctorum, singulorum quadrans. Hoc frigidum ei propinatum vomuit: ita & luteam ovi partem jure pingui solutam. Coacta alvi, & urina sanis similia. Sero videbatur aliquo intervallo moderatius angī, sed parvo tempore. Palpitabat ei cor inaequaliter, & a parte laeva minus sentiebatur. Pulsus habebat intermittentes, & exiguissimos. Vomitus ei movebatur, sed non vomebat. Nocte subsequenti secunda vigilia anhelus non erat amplius. Nullus fere pulsus apparebat, & cum apparebat, modo suo loco vix aderat, modo nonnisi versus flexionem cubiti. Hypochondria usque ad hoc tempus mollia.

VI. Id. Solita penitus accidentia. Pulsus adhuc magis

gis intermittebat. Pedes & crura tumida reperta sunt forte jam antea talia. Ptisanam bibebat succo malorum citreorum acidorum adjecto. Eo die non vomuit, ut tribus antegressis diebus. Portiones frigidiusculas, vel tepidas melius tunc ferebat, quam calidas. Inter has erat mistura cordi, ut ferunt, auxilians. Flexo in vesperam die artus omnes frigidos habuit uti nasum, & animam. Cacaturiebat, at perperam. Posthaec tota reliqua nocte male nimis se habuit; aliquanto tamen quievit, & sine tot pulvinaribus sub capite, & dorso.

V. Idus mane singultuit forte primum. Urinam minxit rubicundiozem. Interdiu minus anhelabat, & videbatur vultu minus adducto, quam in praeterito bi-duo. Attamen vix vescebatur paullulum, solitae praesto erant anhelationes gravissimae. Vini albi levis, quod fere unicum jusseram, sextarium, vel etiam plusculum bibit decocto superscripto commixtum, quod testabatur sibi magis prodesse, quam quique alii potus, vel cibi. Animo, ut solebat, deficiens acetonaribus indito confestim reviviscebat. Pulsus formicans erat, ac interdum subsiliens, minus vero intermittens. Ceterum aequalia fere morbi accidentia. Nocte insequenti non ita gravatus ut praecedenti bis, vel ter surrexit ad trullam. Alvi coacta excrevit partim flava, & partim leucophaea, & atra.

III. Idus vaniloquus erat. Lecto ut se adaptarent saepe petebat. Singultus frequentissimus; pulsus soliti. Pectus, & brachia saepissime nudabat. Cibos postulabat, & plura edit pulmenta solita e pane contrito, multumque vinum album lene potavit. Nocte subsequenti rursus morituum credabant anxium praetermodum, & inquietum. Modo de calore querebatur, modo de frigore. Abire volebat, identidem singultiebat.

III. Id. diluculo parum alvum exoneravit excrementis adhuc coactis, magno conatu, verum dilutionis coloris. Intus aestuabat. Circumspiciebat, suspiciebatque oculis exterrefactis. Balbutiebat. Vergente die iterum lecto descendit. Solitae defectiones. Minxit plus solito. Vaniloquus indumenta quaerebat ad se vestiendum; alioquin sopitus jacebat magis quam alias, semper, anhelans, & identidem se excutiens. Se erigebat in lectum; nudabat sese; calefieri jubebat se frigefactum immo gelidum dicens, quum contra exterius magis calebat quam aliis diebus. Pulsus vix percipiebantur, praesertim dexter. Venter aliquanto intentus. Ad noctem multam pessime se habuit.

Pridie Idus mane pariter lecto surrexit. Defectiones coloris cinnamomini. Mixtio ut antegresso die. Gravissimus erat rectu. Ungues, manus, & nasi acies livebant. Vespere fere non amplius loquebatur vel balbutiebat. Fere semper sopiebat: stratus plerumque capite in dextrum humerum incumbente. Anhelatio languida, & suffocans. Vitellum ovi jure solutum, glutrire nequibat. Posthaec plures alios inanes habuit ad vomendum conatus. In hoc triduo vel quadriduo millies fortasse singulo quoque die se Crucis signo muni-  
bat. Noctem subsequenter nimis aegre rursus exegit.

Idibus modo sopiebat, modo pandebat oculos nitidissimos. Rarissime loquebatur. Fere nulla anhelatio. Pulsus videbantur elatiores praesertim laevus. Linguam quam jamdudum habebat ruidam, aqua & aceto perfricando ei mollebant. Oblatum vinum solitum, pulstem consuetam, tum vitellos ovi e jure, omnia excipiebat libenter, & manibus propriis ori admovebat. Saepe numero se in lectum erigens ad pulvinos de more pone acervatos studebat se commodius applicare. Mane, post meridiem, & prima nocte  
alvum



alvum liquidam, magnopere foetidam, versicoloriam; urinam reddidit plurimam flavam. Stimulos ad haec omnia persentient monebat se id facturum. Post singulas dejectiones videbatur paullo levatus. Primis vigiliis se angebat ob quiddam, quod nequibat exspuere; tandem id excreavit, quod apprime fabam Arabicam integram referebat. Noctem reliquam probe requievit. Iterum ventrem purgavit. Dejectio eadem. Urina denuo multa. Febrim, ut retulerunt, acutissimam habuit, sed nihil fere anhelabat. Lingua & labia nigerrima.

XVII. Kal. Jun. mane rursus lecto descensus operae assistentium ad familiaricam fellam alvum, & vesicam exoneravit. Perquam levatus. Dulciarium panem oblongulum, quem sermone vernaculo dicimus *biscottino* e vino eodem sumpsit. Anhelus iterum. Lecto redux de aridissimo gutture lamentabatur. Nullum sputisma poterat ulla vi excreare. Volens mejere petebat matulam, & quum volebat, mingeat. Pedes eo die inspectos habebat frigidos; medius dexter & amplius jam erat lividus: aliquantulum lividus erat & alter. Sero suae mentis compos rarissime loquebatur. Pulsus praesertim laevus aliquantulum dilatatus. Difficilius se erigebat. Os & spiritus illi multum foetebant. Noctu cochleare eclegmatis illi ingesserunt. Alvus saepe descendit liquida, flava odoris intolerabilis.

XVI. Kal. mane aliud pauxillum misturae ejusdem e vino albo absorbit. Post aliquot nifus pus flavum exspuit. Toto die frons ei porrectior. Venae celeberriores, & aliquanto abnormes; dexterarum autem minus minusque percipiebantur. Identidem consuetae animi defectiones. Oris graveolentia eadem. Diarrhaea eadem continuavit. Tacti pedes dolebant. Lividior, tumidiorque evaserat dexter variis refertus bullis.

bullulis, gangraena affectus. Pedis etiam finistri digiti fere emori incipiebant. Utrumque panniculis aceto imbutis obvolvunt. Bina alia interdum linxit ecligmatris cochlearia. Nihil expuebat. Rectius loquebatur. Querebatur de tibiis. Rarius singultiebat. Vespere dexterum pedem Chirurgus scarificavit, medicavitque vino pluries ad ignem distillato, quod sale acerrimo e lauro Indica eruto, & ammoniaco sale erat imbutum. Inquiunt hoc ipso die quaedam defecisse strigmentis intestinorum similia, sive carunculas.

XV. Kal. Usque ad radicem scalarum, per quas ad suum cubiculum scandebatur, foetor uti cadaveris praesentiebatur. Vel mutus ipse, vel mussans, nihil fere anhelus saepe manus conspicit, & sub oculis examinat. Singultus eodem modo rariores: Eadem animi defectiones: eadem alvus. Aliquando de cruribus lamentabatur. Lingua, & os ipsi nigerrimum. Pulsus dexteri brachii paullo adhuc exilior quam alter, qui tamen vix percipiebatur, inaequalisque erat, & aliquando intermittens. Brachiis projectis, vitaeque pulvinaribus prolapsa jacet, & capite super dexterum humerum reclinato. Brachium dexterum totum, digiti alterius manus, collum, & caput prae spasmate identidem contremebant. Manus, & fere medium idem brachium rigebant. Pes dexter tumidior factus, totusque lividus, & latis vesicis oblitus eo die medicabatur aceto solo.

XIII. Kal. mane spirabat putorem molestum adeo ut fas esset patefacta tenere ostia & fenestras. Pustulae, seu lenticulae lividae circa pectus mihi primum apparuere, quas tamen ab aliquibus diebus ortas fuisse asseruerant familiares. Bullulae dextri pedis latiores erant, & humor suberat. De prandio disruptae sunt. Reliqua ut pridie.

XIII. Kal. Foetor, quem spirabat, ferri non poterat.

XII. Kal. mane plura fraga avidissime ipse ipse comedit. De doloribus pluribus saepe conquerebatur. Palatum, gengivae, totumque os nigrum, emortuum. Fere tota manus dextera nigra, arida, & contracta. Contractis jacebat cruribus. Pomeridiano tempore guttur crepitare illi incipiebat.

XI. Kal. Junii mane hora fere altera occubuit. Hora autem plus minus nona sectum est ei cadaver.

Deducta thoracis cute anteriori adeps ejusdem visus est fere omnis consumptus, nec aliud nisi pauci ex eodem adipe flocculi manserant putridi, & flavi. Costas elevando fluxere aliquot unciae ichoris, vel certe humoris subviridis, & tetri odoris. Dexteræ pulmonis fibrae præter propter dodrans inferior totus præ putredine deficiebat, quasi cultello detruncatus fuisset, & qui supererat quadrans tenuissima cartilagine cicatricis loco erat obductus. Interior ejusdem pars undique obstructa erat, & ubi feriebatur cultello flavus, putridusque ichor manabat. Altera pulmonis fibra cinerei coloris longe dilutioris erat quam moris sit. Membrana, qua cor involvitur, vel quaquaversus ipsi adhaerebat, vel ob similem consumptionem perierat nequaquam visa. Tumultuaria fuit sectio, nec potui rationem tam gravis hujus discriminis diligentius explorare. Musculosa substantia dextri cordis ventriculi livida erat nimis & citianda. Secto eodem ventriculo erupit sanguis coactus. Septum transversum juxta vertebrae vel consumptum, vel ruptum erat. Jecur tumidulum & paullo obstructum. Cetera viscera expendere non vacavit; sed obiter circumspecta nihil insoliti obtulerunt.

## CONSIDERATIO.

**N**ulla revera aut certe pauca in memorata historia sunt singularia : neque morbus, neque morbi accidentia, neque totius fere dexteræ pulmonis fibræ consumptio, neque tunicæ cordis apparens saltem defectus : quippe, misso nunc morbo & accidentibus, frequentem pulmonum consumptionem in Orthopnoicis fuisse a Casp. Bauhino (a) & Columbo apud Schenkium (b) edocti sumus, pluraque alia de ea re habemus exempla in Sepulchreto (c), apud Senacum (d) & Hallerum (e), nec paucos alios, quos consueta ubertate nuper collegit magnus Morgagnus (f). Defectum autem jam noveramus membranae, qua cor involvitur, sive verum, ut inter alios jam crediderunt Columbus (g) & post alios (h) Goveyus (i), sive apparentem ut animadverterunt Lancisius (k) Heisterus (l) Hallerus (m) Senacius (n) Morgagnus, qui alios citat (o) & præter alias observationes in cadaveribus factas (p) in viro tabido sci-

- 
- (a) De Obser. propr. apud James Diz. Univ. Med. T. VI. pagg. 311. 312. (b) apud eund. James ibi pag. 309. (c) Sect. VI. Obs. 4. 11. & in Additam. Obs. 1 §. 2. & Obs. 4. & Sect. VII. Obs. 20. 55. 103. cet. (d) Traité du Coeur liv. IV. ch. 3. n. 2. (e) Opusc. Pathol. Obs. XVII. (f) De sedibus & causis Morb. Ep. XXII. n. 7. (g) De re anatomica lib. XV. (h) Hist. Acad. Reg. A. 1712. p. 47. (i) Chirurgie p. 339. (k) De Motu Cordis lib. I. prop. 23. (l) Compend. Anatom. §. 260. (m) ad prælect. Boerb. §. 132. Et Prim. lin. Physiol. n. 77. (n) cit. Traité Ch. V. n. 4. (o) op. cit. Ep. XXIII. n. 17. (p) ibi Epp. IV. n. 19., V. 19., VIII. 6., XXII. 4., XXIV. 11., XXX. 7., XXXIX. 4.

scilicet & dyspnoico semel eam invenit cordi ita arcte & undique adhaerentem , ut unum cum ipso efficere corpus videretur (q) ; quod recentissimus Auctor Observationis cujusdam de vitiis praecordiorum , quam in Ephemeridibus Medicis Venetis modo legimus (r), ultra inspexit in orthopnoica muliere. Non aliud ergo in re medica nostra haec observatio praestabit , nisi aliorum Observationes iterum confirmare. Paucula tamen verba huic subjungere mihi liceat , ne syco-phanta videar ob id quod nuper asserui , me solum prae aliis morbum praecognovisse. Quibus tunc ductus fu-  
rim argumentis , nunc brevibus accipere non te pigeat.

Igitur maximum nos morbi accidens considerando , totum morbum vocavimus Orthopnaeam siccam exem-  
plo Hippocratis (s) & Galeni (t). Revera autem primo phthisin fuisse tunc judicavi , mox pulmonis dex-  
teri consumptionem , & una pectoris hydropem : de-  
nique inflammationem cordis , & suae tunicae concre-  
tionem cum ipso.

Quod phthisis antea fuerit , & subsequuti sint isti alii duo morbi sic conjectabam. A melancholia hypo-  
chondriaca facta est pulmonum obstructio , ab ob-  
structione hac spirandi difficultas , a spirandi diffi-  
cultate eo major sanguinis , aliorumque humorum  
lentor praecipue in pulmone , a lentore hoc eorum  
corruptio , a corruptione humorum , suorum vasorum  
erosio , & eorundem humorum extra sua vasa effu-  
sio , dexterarum pulmonis fibrae consumptio , & forte  
etiam cordis involucrum , dexterarum inquam , ut e signo  
mox enunciando inferebam. Ita VIII. illo die ante-  
ludus Majas pluribus diserebam ; progrediente autem  
mor-

---

(q) Ep. XXII. n. 10. (r) Gazz. Med. T. I. P. II. N.  
XXIV. Ediz. Parm. (s) Lib. de rat. victus in acutis.  
(t) Comment. IV. in lib. Hipp. cit.

## ( XVI )

morbo, a consumptione dictae pulmonis fibrae arteriae suae erosio & destructio credenda erat; a destructione hac sanguinis mora in ventriculo cordis dextero: ab hac sanguinis mora inflammatio cordis, & hanc ob causam adhaesio, concretioque tunicae ejusdem cordis cum corde ipso, nisi ea antea consumpta fuerit, ut innuimus: hinc ejusdem cordis marcor, & Aegri mors.

Signum porro praecipuum, ex quo liquide coarctuerim pulmonis dexteri consumptionem, illud fuit ab Areteo indicatum (u), negatus scilicet aegri cubitus in oppositum latus. At enim hanc consumptionem clarius deinceps manifestari mihi videbar ab accidentibus aliis, quae inde secuta sunt; pulsus videlicet venarum in carpo dextero depressiores, particulae illius forte pulmoneae, fabae arabicae similis expuitio, dexteri primum pedis tumor, livor, gangraena, marcor; dexteri brachii spasmus, & rigor; dexterarum tandem manus nigrities, ariditas, & contractio.

Pectoris hydropem manifestari credideram primum a maxima spirandi difficultate uti Oaethaeus (x) & Verneyus (y) docuerunt: dein a tussi ut Lövvii (z) Boneti (a) & Wepferi (b) prae aliis observationes tradunt: demum a difficili cubitu in unum latus, sanum scilicet, id monente Pisone (c), & aliis apud Bonetum (d).

Incerta quidem haec duo de cubitu signa esse nuper ab inimitabili Morgagni Opere didici quod jam allegavi, ubi praeter aliorum Clarissimorum Viro-  
tum

- (u) *Acutor. I. cap. X.* (x) *in Boneti Sepul. lib. II. Sect. I. Obs. 76.* (y) *Mém. de l'Acad. R. des Scienc. de Paris A. 1703.* (z) *Eph. N. C. Dec. III. A. V. Obs. 154.* (a) *Sepulchr. lib. II. Sect. II. Obs. III.* (b) *ibi lib. IV. Sect. III. Obs. 26, in addit.*

( XVII )

rum, quibus tam apte utitur (e), auctoritates suas persaepe enarrat, uti & Valsalvae super hac dubia re pulcherrimas observationes. Hinc modo juvenem (f) modo adolescentem (g) pectoris hydrope detentos, neque in sanum latus cubantes refert: modo virginem (h), modo aliam foeminam (i), modo Juliam quandam (k) secus in eodem morbo cubantes. Ita ubi inflammatus fuerat alter pulmo, in affectum latus cubare nequivit juvenis (l), Vir (m), & Mulier (n): contra cubare potuit Vir alius (o), imo ad id cogebatur Virgo (p), & altera Virgo (q). Ubi saniosus, putridus, vel alio simili modo affectus fuerat pulmo alter, in affectam partem decumbunt juvenis (r), Vir (s), Meretrix (t): id vero praestare nequeunt Mulier (u), Adolescentulus (x). Nec minus ambiguum apud eundem Auctorem signum est tussis, quum ex pluribus, quas ipse profert, observationibus (y) liqueat in hydrope etiam involucri cordis id evenire. Verumtamen eo tempore plus mihi jovit hosce particulares contrarios casus nescire, ut confidentius isthaec prognostica pronunciarem.

Cordis inflammationem eo ipso die quo advocatus fueram XIV. scilicet ante aegri obitum die statim suspexeram a primo illo horrore, & vomitu, pul-

b

suum-

---

(c) apud Bonet. Sepulchr. lib. II. Sect. I. Schol. ad Obs. 137. (d) ibi Obs. 81. 82. (e) locis modo citandis. (f) Ep. XVI. n. 10. (g) Ep.

XXXVIII. n. 16. (h) Ep. XXII. n. 16.

(i) Ep. XXXVIII. n. 15. (k) ibi n. 4.

(l) Ep. XX. nn. 17. 19. (m) ibi n. 26.

(n) ibi n. 41. (o) ibi n. 3. (p) ibi n. 16.

(q) ibi n. 43. (r) ibi n. 35. (s) Ep. XXII.

n. 10. (t) ibi n. 15. (u) Ep. XX. n. 41.

(x) Ep. XXII. n. 6. (y) Ep. XVI. nn. 21. & 45.



( XVIII )

suumque fere defectu. Hanc singultus , vaniloquentia , & aestus , & calor & frigus fugax , stupor , balbuties , sopor , ventris intentio , convulsiones , febris septimâ praesertim nocte acutissima , summa ariditas gutturis confirmabant.

Hujus inflammationis effectum , ut forte fuit , videlicet concretionem involucris cordis cum corde ipso , eam ab observationibus Peyerii imprimis (z) , tum & Lovveri (a) didiceram. Prior enim ex his in concrezione hujus membranae cum corde maximam pectoris anxietatem notavit , pulsus debilem , parvum , tremulum , aliquando deficientem , & formicantem. Notavit insuper , nunquam nisi primum in genua provolutum , cubitisque suffultum dormire , imo respirare aegrotum suum valuisse. Eorum alter ad motum quemvis anhelationem , pulsus parvum , & intermittentem , dolorem cum insigni gravamine praecordia infestantem , & crebras animae defectiones.

Quod si contrarie inflammationis origo a defectu , seu corruptione ejusdem cordis involucris pependisset , quidni hujus membranae absentia similes forte effectus producere potuisset ? Discipulus enim ille , quem Realdus Columbus mortuum secuit (b) , cuique haec membrana ( eo sic sentiente ) defuerat , in animi defectus , dum ipse viveret , incidebat , subinde mortuo similis , ut hic noster Moschinus , conspiciebatur. Haec fuit , quae , Benvenute Clarissime , tunc expendebam , atque ex his argutabar id quod incisio cadaveris postea demonstravit. Num caecutiverim , benigne mihi significâ , & me amare volenti animo aggredere.

OPUS-

---

(z) *Meth. Hist. Anat. Cap. VI. in Schol.*

(a) *Traçt. de Corde Cap. II.*

(b) *De re Anatom. lib. XV.*



( XIX )

OPUSC. I I.

De Aere Nosocomiorum  
& Carcerum gubernando.



LUGDUNENSIBUS SCIENTIARUM  
ET ARTIUM ACADEMICIS  
VIRIS CLARISSIMIS

E G N A T I U S M O N T I U S  
Papiensis Physicus S. P.

**D**uo prorsus diversa, sibi que etiam contraria Problemata, sed quae unica, analogae, sibi que cohaerente solvuntur, me quidem iudice, rerum aestimatione, Sapientissimi Viri, nobis solvenda offertis. Aer enim, qui Nosocomia pererrat, ex se nimius videtur esse, imparibus particulis quoquoeversum refertus, calidus, paucaque vi renixus dotatus: Carcerum aer paucus est, iners, frigidus, crassus. Ille igitur minuendus, refrigerandus, majori vi renixus donandus, ejusque inquinamenta vel curandum est, ut confideant, vel quae excitata sunt, deprimenda: hic multiplicandus est, calefaciendus, mobilior, tenuiorque reddendus. Ut ne multis, atque inanibus verbis vos morer, earum rerum rationem, quas tam audacter propono,

b 2

stude-

studebo in pauca conferre, parique compendiaro sermone modum innuere, quo haec duo, quae Vobiscum universa quidem Respublica cupere debet, consequi valeamus.

Vetus opinio mea est, aerem, non dico hodiernum, quem omnes perhibent mixtum, sed utcumque primordium, & quem Musschenbroekius appellat liquorem sui generis a vaporibus & exhalationibus distinctum (a), fuisse nunquam rerum principium, sed potius earum rerum dissolutionem & finem; quae forte fuit causa, qua Anaximenes (b) & Hales (c) eum rerum omnium originem praedicaverint, videntes scilicet omnes res in eum tandem converti. Boylei (d) & Halesii (e) praelaudati experimenta de vero aere qui e corporibus gignitur, densusque, nec non renitens ut alius aer, usque ad sex annos ab Halesio eodem jam conservatus (f), quod etiam factum fuisse Musschenbroekius negare nequit (g), idem confirmant. Nam nulla quidem est ratio cur pars aeris e corporibus, non, inquam, extricari, verum produci possit, & alia pars corporibus praexistat a Deo O. M. quod non constat, singulariter uti principium creata. Quem opinionem nullis quoque aliis contrariam experimentis, neque ita facile Musschenbroekii objectionibus, diluendam nunc apud alios Physicos recensitam invenio, & speciatim apud V. Cl. Joannem Franciscum Pivatum (h) quem cum lacrymis memoro, quippe qui mei amicissimus nuperrime, XVI. scili-

- 
- (a) *Elem. Physic. Cap. XXXVI. §. 1069.* (b) *Diogen. Laert. de Philos. vita Lib. 11.* (c) *Vegetable Statiks.* (d) *Experim. nova phys. mechan.*  
 (e) *Op. cit.* (f) *Haemastat. append. p. 310.*  
 (g) *Loc. cit. n. 4.* (h) *Dizion. Poligraf. T. III. Art. Aria p. 238.*

scilicet Kal. Februarii , e medio excessit. Quomodo autem is aer primum confectus sit , & quotidie oritur , sic reor fieri. Lucis radii , qui tanto impetu , ut notum est , in objecta corpora ruunt , horum modo comminuunt superficiem , modo penitus illa pervadunt , omnimodis tandem infinitas ex his particulas excitant , agitant , tollunt , per immensa spatia prolatant , jugiter plus minus terunt , perforant , limant , dissolciant , quo ad usque scilicet lucis particulae ab hujusmodi sibi extraneis particulis se expediunt. Haec ratio videtur esse exhalationum , vaporum , totius aeris , qui hunc orbem circuit nostrum , neque istum solummodo , sed & qui Lunam , ut Isilius detexit (i) , & forte etiam alios Planetas obsidet , & circumvenit , qui cum pariter aliena petantur luce , iidem suarum superficierum attritibus erunt obnoxii. Porro aer hic tam diversis constans cum gravioribus , tum levioribus atomis sponte juxta naturae leges se in varias quoddam planities ita distribuit , ut atomi crassiores gradatim inferiora aequora exaequent , & ordinate tenuiores supernatent. His positis accidentia illa omnia explicare facile est , quibus aer potitur ; atque ne alia persequar , quae magis liquent , illud etiam , quod explicatu difficilius videtur , idest vis renixus. Haec enim vis a circulis illis minimis , quibus aer ipse demum conflagri maxima ex parte debet , dependet. Ponamus enim innumerorum radiorum lucis acies , sive lineolas nonnisi rudes particulas primum per circumstantia Orbis spatia vehere , sive vexisse , quarum particularum forma fuerit , ut puta , pileolorum , cellularum , calycolorum , quorum extima superficies sit adhuc scabra , inaequalis : ubi hae particulae diutissime per-

b 3

frictae

frictæ fuerint , polientur : & ubi lucis lineolæ a minimis illis , ut ita dicam , compedibus denique evaserint , aer quasi omnis ex minutissimis , expolitissimisque circulis , seu circulorum seriebus erit conflatus. Sed de his alias. Nunc satis est mihi , quod concedatis , aerem a lucis radiis efformari , & diutine in orbem duci : sive lux hæc nuda conspicuaque a Sole proficiscatur , vel ab aliis corporibus illuminatis , sive quocumque modo relata ac involuta sit in particulis quibuscumque , quæ potissimum a calidis , seu calefactis corporibus solent prodire. Verum enim vero quæ & quam densa harum aerearum particularum nubes , non opplentur Nosocomiorum spatia ob tot , tamque varias exhalationes terreas , corporeas , morbosas , sudoriferas , foeculentas escarum , medicamentorum , suffimentorum ? Aer hujusmodi quantum plus aequo nimius , hinc gravior , impurior , calidiorque ob contentos nimios igniculos esse debeat , quisque videt. Cumque hujus particulae rudes adhuc eae sint , informes , fornicatae , corticosae , asperae , angulatae , neque idonee attritae , rotundatae , tornatae , nec non in tenuissimos illos , levigatissimosque orbiculos elaboratae , ob nimis circumscriptum spatium lente percursum , vim illam renitendi , resiliendique nequeunt ita commode adipisci. Haec autem probant tubuli vitrei Turricelliani , atque Farenheitiani , in quibus aliquanto magis ascendit hydrargyrus in Nosocomiis , usque dum eorum aer igne vel suffimentis nondum est rarefactus ; probat luminum fuscus splendor , vocum & sonorum vis magna , citaque percussio , odor graveolens , sanorum qui ea loca ingrediuntur durior respiratio , gravedines , cephalalgiae , satietates ciborum , nausae , solutiones stomachi & ventris , acuti morbi in novis Nosocomiorum Ministris orti , in aegris maximus languor , tardissima valetudo. Quæ singula , li-

cet noverim aliis caussis tribui posse , dum tamen a majori aeris pondere minimum resilientis , ut de vapore aere docuit Hales, (\*) ea repeto , jam intelligitis , quibus facile verbis uti valerem ad melius me explicandum ; id quod libenter facturum essem , nisi vestrum taederet , uti mei taedet semper , inutilibus notarum ratiuncularum ambagibus enecari. Quod si nulla contradictione hanc , quam tueor , veritatem Vos admiseritis , pergam ad demonstrandum aerem hunc rarefactione quidem egere , non ea vero , quae vulgo solet tentari ope ignis & suffituum , qui licet aerem jam productum aliquanto extenuent , & rarefaciant , multo majorem tamen aeris copiam eodem tempore , ut innuimus excitant , & producant. Hinc apposite statuit Boerhaavius (k) idem esse aerem ope caloris rarefacere , ac ipsummet condensare , considerata videlicet majori renitendi , resilientique vi ipsi eodem tempore communicata. Aliqua ergo alia id pertentandum est via , qua aeris inquinamenta purgentur , & deprimantur , quaque prohibeatur , ne inquinamenta hujusmodi multum tollantur , & ita aer idem servetur ( ut ea loca permittunt ) purus , defaecatus , innocuus.

Natura forte omni perspecta tam utiles effectus hi

b 4

non-

---

(\*) *Amontoni*us invenerat ( Hist. de l'Acad. R. des Sc. de Paris A. 1702. mém. 155. ) vim hanc aeris renitendi , resilientique eo majorem fieri , quo aer est densior. Intelligendum tamen hic est de aere jam perfecto , seu penitus elaborato , ut ego meis utens phrasibus dicerem , seu de aere puro vaporibus nullis obruto , ut communi haecenus Philosophorum phrasibus solemus dicere.

(k) *Chym.* T. I.

nonnisi ex aqua sperandi sunt. Experimenta, quae ad perpendendam igniculorum e corporibus fere quibuscumque micantium naturam, & indolem tanta sedulitate, frequentia, & fama a Desaguliero prae ceteris sunt instituta (1), nos evidenter docent, aerem humidum vim hanc mirabilem emittendorum igniculorum maxime obtundere, resque omnes humidas parum de hac vi posse gloriari. Aliae vero observationes tempore pluvioso factae satis evincunt, quod dum aer aqueis imbutus est atomis & levior is est, & purior, unde homines qui juxta flumina habitant, quae stagnantes revehant aquas incolumes ac splendidi vivunt, inquit Hippocrates (m). Nullis ergo majoribus probationibus opus est ad sustinendum placitum nostrum: nam ex his duobus recta inferimus, aquam ea omnia posse obtinere, quae nos in casu nostro vellemus. Si enim lucis particulae vel ope aquae in corporibus detineantur ob pororum forte obstructionem, vel ab aqua involvantur, & enerventur, aer longe paucior producet, & aereae eadem particulae graviores, impurioreque cedent extemplo humidis levioribus, atque purioribus, imumque locum petere cogentur. Quod usque quotidianus servorum usus in verrendis, adaquandisque diaetis confirmat, & nullus fere vel minimus foetoris sensus e putrido alicujus bruti cadavere, si juxta flumen relictum sit, quum contra si in apertis jaceat campis, latissime, & quaquaversus teterrimum intolerabilem situm redoleat. Ast quomodo hac aqua utemur ad aerem Nosocomiorum non quidem purgandum solum, sed purgatum, innocuumque continen-

---

(1) Dissertazione sopra l'elettricità de' Corpi nel T. I. delle Dissert. e Lett. scritte sopra varie materie ec. Firenze 1749. (m) *De aere, aquis, & locis.*



tinenter servandum? In medio Dormitorii, quod vel orbicum sit, vel quadratum, vel alius praeter propter aequalis hisce structurae, altissima contignatione vel fornice, nec non fenestris amplissimis fabricatum Fons lapideus ejectitius erigatur, quo aqua per tubulos, non per fistulas plumbeas, Vitruvio docente, ducta in altum longe prosiliens in varia decidat labra, ut quam minutissime rumpatur, & aliquantulum eminus quasi ros levissimus dispergatur. Hacce unica machina, commodissima, nec magno pretio paranda nocuas aeris qualitates in Nosocomiis arceamus, quod mentis vestrae pars prior est, illustres atque providentissimi Viri.

Num haec humiduli aeris perpetuitas aegrotis nocebit? Sedituli Nosocomiorum Medici, inter quos laudandi maxime Cll. V.V. Haenus (n) & Somis (o), jam viderunt, ut scitis, quot & quibus morbis magis obnoxii essent aegroti, qui in publicis hujusmodi hospitiiis degerent, tunc cum calido gubernabantur regimine, & quos morbos hi nunc temporis fugiant, dum aer ipsis renovatur, refrigeratoriaque methodo curati sunt. Sed, quod propius ad aquam spectat in Dormitoriis aegrotorum tenendam, novistis jam magnum Boerhaavium (p) cui subscripsit illi non secunduS Syvietenus (q), magnopere ad compescendas febriles vigilias commendavisse prae ceteris frigus modicum, aerem humidum; novistis etiam Cl. Tissotum ~~confutasse~~ nuper aptissime monuisse (r), cubiculi pavementum saepe in magnis febrientium aestibus aqua irrorandum, magnos-

---

(n) *De rat. medendi & Thes. sist. nov. febr. division.*

(o) Ragionamento sopra il Fatto avvenuto in Bergemolletto p. 137. (p) *Aphorism. de cognosc. & curand. morb.* §. 709.

(q) *Comment. ad aphor. cit.* (r) *Avis au peuple sur la santé chap. III.*

magnosque falicis ramos aqua imbutos in eodem cubiculo detinendos. Qui usus nonne plurimum convenit five cum balneis frigidae a Veteribus post Antonium Musam (s) a Nuperis post Floyerum (t) saepe laudatis, five cum roseis foliis frigida inspersis, quibus Antonio Francisco Bertino teste (u) involuerat Rodericus Castrensis, servaveratque aegrotum fere prae nimio aestu morientem? Ad quas auctoritates si licet addere quidquam, testari possum me iterum atque iterum duo haec optimo cum effectu curasse fieri; primum guttur quoddam rostratum aqua plenum altius figendo, parvaque cochlea ita clausum, ut aqua guttatim prorsus decideret, eamque exciperet aenea pelvis, five ex aurichalco conflata: alterum aegrotorum cubiculum ter vel quater interdum aqua inspergendo. Quorum ope auxiliorum notavi semper & pristinam evanescere graveolentiam, & aegrum plurimum recreari, & placido somno saepe complecti; quod ultimum aquei murmuris beneficium adverterat jam Ovidius (x) a Syviero citatus (y), Boerhaaviusque etiam laudaverat (z); & Tassus noster cuidam Lucae Martino jam comparaverat, ut a Bronzino Pictore, & Poeta nostro intelligimus (a).

Praeterea aer huiusmodi frigidiusculus, quoniam ex Sanctorii observatibus (b) Liferique in eum enarrationibus, robustis hominibus majorem ciet exhalatio-

---

(s) *Dion. apud Haller. in Boerb. Meth. Stud. Med. T. II. Edit. Ven. p. 304.*

(t) *Ψυχρολυσία* (~~ψυχρολυσία~~) or the history of cold bathing ec.

(u) *La Medicina difesa* pag. 276. (x) *Metamorph. lib. X.* (y) *loc. cit.* (z) *loc. cit.* (a) *Capitolo in lode dei romori, tra le Rime del Berni ec.*

(b) *Stat. Medic. Sect. I. Aph. LXVIII. Sect. II. Aph. I.*



tionem , debilibus autem minuit , quantam utilitatem non pariet tum iis qui acutis morbis decumbunt, tum iis qui chronicis? Prioribus enim sudores eliciet, quos elicere avemus , aliis vires fervabit, quas servare curamus ; nec ideo ob impeditam in hisce postremis aegris corporum exhalationem , viscera magis calefient, nisi si ( inquirunt iidem ) ea , quas exhalare debet materia , ob moram acefcat , vel prae calore exteriori , vel prae motu violento . Quod si ad evitanda , quae perperam metuuntur , incommoda , eo cautius hoc fonte utendum videbitur , ipsum nocturno , & hiemali tempore , tum flantibus pluviis ventis , pluvia ipsa ingruente , potius , si ita libet , claudemus , ut pote magna reapse aeris portio tunc longe minus a luce agitata sponte confidit , impuritatibusque illis , quas notavimus , minus vitiatur .

Atque haec dicta sint strictim de Nosocomiorum aere purificando , dum alioquin perpetua mundities commendanda , trullae bene clausae asportandae , parum aquae in illis tenendum , adequandum , verrendum quotidie pavementum , nimia hominum frequentia arcenda , quod Claudinus (c) ad frigidum servandum aegroris aerem recte jusserat , nec ullius generis suffimentum est excitandum : quum observaverit Clarus in centum suis apophthegmatibus (d) dormire in aere bene olenti malum esse , in graveolenti autem pessimum .

Nunc quid in ergastulis praestandum sit presse videamus , quum ibi pauca plerumque sit hominum extraneorum frequentia , rarissimus plerumque ignis , exigua plerumque lux , diuturna in captivis quies , moestitia , & metus , & proinde , uti Sanctorius monuit (e) minima ex eorum  
COR-

---

(c) *De ingressu ad Infirm.* lib. III. cap. I. (d) *Cento Aforismi* Af. XXI. (e) *Stat. Medic.* Sect. VII. *Aph.* VII. VIII. IX.

corporibus exhalatio , ex supradictis inferimus , aerem ibi esse paucum , vix se moventem , frigidum , nec nisi solis fere terreis , summum faecosis quoque captivorum particulis a pauca illa luce , quae illuc intrat , productum . Horum aeris accidentium signa & effectus sunt tribus verbis paullulo minor hydrargyri ascensus in dictis tubulis Farenheitianis , minus prompta hominum respiratio , atque illorum potissimum , qui insolenter carceres ingrediuntur , captivorum pallor , seu cachecticus color , mens tractu temporum hebes , oculorum acies obrusior , pupillae plus dilatatae , musculorum aut cutis tumor , non rarae tusses , stomachi languor , ischiades , crurum stupor , foeces cinereae . Quae omnia juxta sententiam nostram nullo negotio tribui possunt aeris paucitati , frigiditati , & inertiae , quibus fit ut neque , ut par est , exterius thoracem comprimat , neque , ubi illum pervaserit , eum intra juste dilatet ; hinc sanguis non satis pulsus , fibris congrua mobilitas seu palpitatio a Rogero dicta ( f ) rebur non conservatum ; hinc omnis animalis oeconomiae functiones maximopere retardatae . Quae aerem multiplicabunt , excalefacient , movebunt , incommoda istiusmodi ex facili auferent . Ergo lux saepius praesertim meridiano tempore , quo major est copia , vel si fenestrae ad ortum Solis spectarent , diluculo introducenda , ignis , aestate excepta , quotidie fere accendendus , in pavimento & parietibus mundiciae saepe faciendae , posthaec dum praecipue nubilus aut pluviosus fuerit aer , suffiendum baccis aut herbis quoque siccis vel viridibus aromaticis , denique constringendi captivi sunt ad semel quaque nocte ( aer enim tunc temporis , ut liquet , paucior , inertior ) vociferandum , sive quod idem est sacras , ut decet , preces elata

---

( f ) *Specim. Physiol. de perpet. fibrar. palpitat.*

elata voce cantandas. Cujus utilissimae exercitationis commoda ad incolumitatem non modo sibi tuendam, verum etiam aliquando restituendam scire collecta legimus olim ab Hieronymo Mercuriali (g) nuper vero a Cl. Auctore Venetarum Ephemeridum Medicarum (h) : quarum vociferationis laudum integrum me subscriptorem habete. Frictiones itidem non abs re essent ut pote nostris ratiocinationibus congruentes, namque lucem extricant, ut perfricando in tenebris felium ex. gr. & equorum terga clarius apparet; At enim tot rerum peragendarum farrago anne Ergastulariorum, immo ipsorum Praetorum rumpet patientiam?

Utramque hanc methodum, si ejectitium fontem excipiam, quem auctoritate hactenus omni, ut fateor, destitutus impetrare huc usque non valui probe cessisse vidimus tum in Nosocomiis, tum in Carceribus, quos aliquandiu lustravimus. Verumtamen si inepta nihilominus Vobis videtur, Viri Doctissimi, meas saltem litterulas Vestrorum prudentissimis Problematicis, bonoque publico addictas postulo ut habeatis acceptas.

Dara V. Nonas Martii A. C. MDCCLXIII. Garbanae prope Dertonam. Valete.

OPUSC.

---

(g) *De Arte Gymnastica*, & apud James Diction Univ. T. II. art. *Anaphonesis*.


(h) *Giornale di Medicina* T. I.

( X X X )

OPUSC. I I I.

De chronica urinae incontinentia,  
& repentina suffocatione  
a lumbricis

Historia Medica cum sectione  
Cadaveris



JOSEPHO BENVENUTO  
Lucensi Physico V. Cl.

EGNATIUS MONTIUS  
Pap. Phys. S. P.

<sup>A 2<sup>da</sup></sup>  
**D**E eo quod tibi sponderam, nunc fidem servo.  
Adolescentulâ XVI. vel amplius annos nata  
nondum menstruis obnoxia post quinquen-  
nalem urinae incontinentiam nunquam cura-  
tam lumbricos aliquot quodam die dejecit. Posthac  
singultu primum, mox nervorum omnium distensio-  
nibus miro modo vexatur, nihil peditus deglutire  
valet, vultu strangulata videtur, dentibus crepi-  
tat. Post aliquot horas dum adhuc convulsa esset,  
secatur ei vena e brachio. Intra diem integrum mo-  
ritur.

Sec̃to cadavere tam superius quam inferius ventri-  
culi os a centenis fortasse vermiculis, sive tinea ob-  
sidebatur. In ventriculo aliquantulum livido pauca  
cruda, & viscosa reperta sunt, fellis vesicula prae-  
multa bile distenta. In visceribus reliquis cursim lu-  
stratis nihil aliud insoliti visum est.

CON-

## CONSIDERATIO.

**R**epentinam suffocationem a vermibus praenunciant aliqui Clinici, & inter ipsos Baglivus (a): historias autem hujusmodi si non plures, quarum modo non memini, alteram saltem lego apud Cl. Albertum Hallerum (b). Verum ex hac nostra docemur amplius & vermiculos hosce minimos in ventriculo quoque aliquando degere, & non semper omnium tutissimos esse, ut plerique tuentur Clinici, & urinae incontinentiam aliquando a vermium quoque intestinorum irritatione oboriri ex eo quod communis sit vesicae, & intestinis membrana. Quod Cl. Morgagni, & Valsavae apud eundem animadvertiorem illam confirmat (c) quae monent, ut cauti simus in definiendis morbis ad partes, quae attinent ad urinam, spectantibus, quippe quorum cognitio summa etiam arte quaesita non rarissime fallax est, uti suis & alienis exemplis eruditissime ac sapientissime idem Morgagnus explicat eodem loco: inter quae exempla forte etiam redigi mereretur quod alibi refert de Virgine illa (d) quae urinam multam suo praecipue ex vermibus morbo reddiderat, cuique testae tum in tenui intestino lumbrici teretes, tum vesicae & itineris urinae vasa praeter cetera, reperta sunt sanguine multum distenta; quae duo accidentia vehementi potissimum lumbricorum irritatione effectum fuisse potuisset.

Dubitabitur autem hic de duobus. Primum utrum vermiculi hi ad ventriculum aliunde reperiant, an in  
ventri-

---

(a) *Prax. Med. lib. I. de lumbric. puer.*

(b) *Opusc. Pathol. Obs. IX.*

(c) *De Sedibus &*

*Causis morb. Ep. xxxxi. art. 3.*

(d) *Op. cit.*

*Ep. xxxvii. 12.*

ventriculo proximam originem duxerint , quum non constet hancce adolescentulam de stomachi , aut ventris doloribus antea questam fuisse . Alterum , utrum ( si incontinentia urinae a vermiculis causam agnovit ) utrum inquam hi vermiculi quinquennalem vitam agere potis sint , an alii ex aliis per novas generationes pergant succedere . Utramque porro difficultatem enodare posse confido , ubi nihil de hisce statuam , & omnia haec contingere pari modo posse non negem . Nam & vermiculi antequam ventriculum peterent , vesicam propius irritasse usque ad extremos illos dies equidem potuissent , & in ventriculo ipso stabulantes irritationem transmittere , & propagare usque ad vesicam : & quum nullus hucusque statutus sit vermiculis hisce ( quod sciam ) terminus ad vivendum , usquedum in animalium corporibus stabulentur , quid prohibet quin vitam etiam quinquennalem trahant ? Si tandiu vivere nequeunt , ergo eodem penitus modo quo animalia cetera , sibi succedent , quaecumque tandem sit , juxta tot placita , istorum vermium origo .

Nunc me postremo interrogas loco cur hos vermiculos tineas vocitaverim , neque usitatissima Graecanica *Ascaridum* appellatione sim usus . Licet res haec a proposito nostro aliquotsariam declinet , a litteraria tamen ac Medica dignitate ea non videtur aliena . Ad haec ergo repono ; primo me hac Graecanica voce uti noluisse , quia latini usque ad Caelium Aureliamum (e) ea usi non sunt , neque Caelii Aureliani auctoritas sufficiens est , ut opinor , ad illam latinitate donandam , unde Cl. Facciolatus ipsam latinis literis scriptam merito ad verba barbara rejicit (f) . Tineas autem dixi Q. Sereni Samonici ductus auctoritate ,

---

(e) lib. x. cap. xxxxxvi. (f) in fine edit. Calcpini.

( XXXIII )

ritate , qui ubi de lumbricis purgandis canit (g) hos in tineam & lumbricum distinguit

..... tineae serpens

Et lumbricus edax ...

Licet autem tineae sit nomen generis lumbricorum , ut Graeca & latina docent Glossaria in voce ~~Helmintibus~~ *Ελμιντες* & Facciolatus in V. Tinea , quum tamen lumbricorum nomine magis speciatim veniat duplex eorum species a Celso (b) distincta in latorum , & teretum , videretur tineae nomine indicari tertiam illam minimorum lumbricorum speciem , qui tineis praeter propter similes sunt . Quam ad amussim similitudinem explicat Petraeus (i) , ubi horum minimorum vermiculorum proferens signa , ea sunt , inquit , *continuus dolor & pruritus molestissimus circa anum ac si formicis plenus esset , cum gravitate dorsi , assidua ad egerendum irritatio , & tineae excretis alvi graveolentibus undique aspersae* . Quae fere verba descripsit Jonstonus (k) inter quae habet : *tineae excrementis alvi graveolentibus undique asperguntur* . Hinc apposite Calepinus tineam definiendo inquit : *Item tineae ventris vermes sunt ~~helminthibus~~ Ελμιντες in intestini recti extremo nascentes* : quam notionem placuit Facciolato postea expungere (l) . Nec Epitheton illud *serpens* tineae a Q. Sereno datum horum vermiculorum ideam ita auger , ut ipsos grandiores nobis fingamus . Plinius enim (m) & Apulejus (n) serpentes dixerunt etiam pediculos .

c

Hem

- 
- (g) *Medic. Praecept. cap. xxx.* (h) *Medicin. lib. iv. cap. xvii.* (i) *Nosol. Harmon. Dissert. xxxi. n. 19.* (k) *apud Th. Bonet. Thesaur. Medic. Pract. T. II. lib. iv. cap. xxiiii.* (l) *in Calepin. V. Tinea.* (m) *Nat. Hist. lib. vii. cap. li.* (n) *in Florid. n. xv.*



Hem quid istud , obsecro? inquis. Num ab Cl. Morgagno nostro super hac re imprudens dissentis , qui *taenia* eo Sereni loco , non *tinea* legendum esse aliorum quorundam lectioni favens scite defendit ? Equidem quod tantus asserit Vir , piaculum fere centesimae , Benvenute doctissime in minimam usque dubitationem adducere , sed quaenam , aedepol , ratio eximium literatissimum Virum movit ad *taeniam* non *tineam* ibi legendum? *Movet* , ait ipse (o) , *me liber ejus ( Keuchenii ) vetustus cum iis in hoc conveniens, quorum scripturam in ora adnotarunt Constantinus ac Stephanus , movetque praeterea lex carminis , quae taenia requirit , tinea respuit. Omnia egregie. Verum nonne eodem Cl. Morgagno iudice (p) male aliquando legere monuit Constantinus , licet quidem perraro? Nonne Stephanus Constantinum fere ad verbum exscripsit (q) ? Nonne Keuchenius ipse a veteri illo suo exemplari quandoque , & longe saepius quam Constantinus a suo hallucinatus est (r) ? Si igitur lectionem trium horum quos adeo Morgagnus suspicit , non ita incontrovertam hic reputo , nemo mihi succenseat , vix enim ab ipsiusmet Morgagni amplissima auctoritate declino. Contra quum omnes *libri typis editi* habeant *tinea* eodem Morgagno teste (s) , illi etiam a Molinio correcti (t) , altero videlicet ex iis paucissimis , quorum editionem fatetur se non vidisse Morgagnus (u) : quare ceteri omnes minus probare debeant*

---

(o) *Ep. in Q. Seren. Semon. l. p. 294. Edit. Patav. MDCCCL.* (p) *ibi pagg. 278. 314. 315.* (q) *ibi p. 284.* (r) *ibi p. 291. & seqq.* (s) *ibi p. 294.* (t) *Edit. Lugdun. 1554. apud Jo. Tornaesium & Guilielmum Gazejum sine Vindiciani tributo carmine & Edit. Lugd. 1587. apud Jo. Tornaesium solum cum Vindiciani tributo carmine.* (u) *ibi p. 296.*



( XXXV )

debeant quam illi tres , sane non video . Et quod ad Molinium attinet , is certe ea tria saltem menda non fuit in Serenum irrepere , scilicet *jungatur pro jugatur* (x) : *aut qui olim pro at qui olim* (y) , *bacticum pro beticum* (z) quae non ita bene adverterunt tres prae laudati , ut Burmannus (a) de primo , Morgagnus vero de reliquis (b) optime monuerunt . Sed si Molinii diligentia eo melius libet tibi cognoscere , videsis quam aptius hisce tribus librariis aliqua alia Sereni Carmina vel legerit , vel correxerit , iis praefertim in locis , quae alii , quod sciverim , non perpenderunt . Capite XV. versu VIII. ubi vulgatae editiones habent

Ergo enim studio quaeres inhibere dolorem  
Constantinus mavult legere inepte

Ergo autem . . . .

Molinus legit

Ergo omni . . . .

Capite xxxv. v. i. ubi vulgares editiones

*Nobilis hirsutas horret lascivia Setas*

Constantinus inepte

*Mollis & hirsutas . . . .*

Molinus autem

*Mobilis hirsutas . . . .*

Capite LVII. v. VII. ubi alii legunt

Prodest cum veteri Baccho fel vulturis *ampli*

Et v. VIII.

Aut cruor *est* Progne mistus cum polline thuris

Molinus legit

Prodest cum veteri Baccho fel vulturis *atri*

Aut cruor *ex* Progne . . . .

c 2

Haec

---

(x) Cap. xxx. v. xv. (y) Cap. xxxiiii. v. xvi.

(z) Cap. ult. v. iiii. (a) in Edit. Poet. Latin. minor.

a Morg. cit. (b) ibi Ep. I. p. 302. Ep. II. p. 315.

(XXXVI)

Haec dicta sint ad probandum Molinii lectionem esse multum laudabilem ac pene dixerim ceteris praeferendam, tametsi non negaverim plura etiam in ejusdem editionem menda irrepisse.

Altera autem ratio numerorum quid valeat, brevi expendamus.

Ponamus primam *tineae* syllabam esse brevem, quid vetat Poetam in carmine, ubi necessitas metri postulet illam producere? Nova haec erit versificatoris libertas? Nequaquam. Notissimae sunt hujusmodi Poetarum licentiae, neque exemplis fas est ad id probandum. Ita idem Serenus produxit primam syllabam in *tenue* (c) eamque bisyllabam vocem fecit, produxit primam in *cimex* (d) & in *electri* (e) & in *corallium*, cui contra corripuit secundam (f), & tamen habemus priores hasce tres syllabas breves, secundam autem *coralii* lungam apud alios Poetas. En *tenuis* apud Statium (g).

Sophronaque implicitum, *tenuis*que arcana Co-

En *cimex* apud Martialem (h) (rinnae

Et teges atque *cimex* & nudi sponda grabati

Licet Scriverius legat & *cimex*. En *electro* apud (Virgilium (i)

Quod fieri ferro, liquidove potestur *electro*.

En *corallia* apud Claudianum (k)

Mergit se subito, vellitque *corallia* Clorho.

Sic aliis urens licentiis in duas coegit syllabas *isf-*  
*dem* (l), *deinde* (m): in unam *cui* (n); *geminavit*  
*lite-*

---

(c) Cap. xviii. v. xxi. (d) Cap. xlix. v. v.

(e) Cap. lxi. v. v. (f) Cap. lii. v. xi. & xii.

(g) Lib. v. Sylv. (h) Epigr. lviii. lib. xi.

(i) Aeneid. viii. (k) De raptu Proserp.

(l) Cap. xxv. v. v. xlii. v. iii. (m) Cap. xl.

v. xv. cap. liii. v. v. (n) Cap. xxxii. v. i.

## ( XXXVII )

literam in *relliquias* (o) in *tithymallus* (p), diphthongum abjicit in *bethicum* (q), adjecit *er* ad *curari* (r). Quod si omnium harum vel aequalium licentiarum praesto sunt alia his contraria exempla: age jam qua ratione nisi si ob libitum suum, & metri necessitatem produxit ipse mediam syllabam in *quereris* (s), ultimam in *penitus* subsequente vocali (t), & quod magis singulare est bis hanc ditionem *frondis* adhibuit pro *frons* (u) perperam a Caesario & Constantino correctam: tum a dictione *sambucus* (x) literam m dempsit eo, ut primam illam syllabam posset contrahere, quod Facciolatus (y) etiam animadvertit. Hac eadem ratione poeticae libertatis primam syllabam in *tinea* produxit; quod deinceps Sedulius aequae ac Q. Sere-nus inter Latinos Poetas annumeratus facere non dubitavit in illo carmine (z).

Non mordax aerugo vorat, non tinea fulcat.

Vale. Data IV. Cal. Aprilis MDCCLXIV. Garba-neae prope Dertonam.

- 
- (o) Cap. xxxiv. v. xxv. (p) Cap. xlv. v. xi.,  
 lxiv. v. vii. (q) Cap. ult. v. v. (r) Cap.  
 vii. v. ix. (s) Cap. xiv. v. xvii. (t) Cap.  
 xvii. v. i. (u) Cap. xii. v. xxiv., cap. xxx.  
 v. x. (x) Capp. iv. v. v., vii. v. xi., xix.  
 v. v., xxviii. v. xi., xxxii. v. iiii. (y) in  
*Calepin. v. Sambucus.* (z) in *Op. Paschali.*

( XXXVIII )

OPUSC. I I I I.

De nova Clinices tradendae  
Methodo .



Doctissimo , Clarissimoque  
VIRO

P E T R O M O S C A T O  
Philos. Medic. & Chir.  
Doctori

Publico in Ticinensi R. C. Gymnasio  
Chir. & Sect. Cadaverum Professori

E G N A T I U S M O N T I U S  
Pap. Med. S. P.



Ut tantisque laudibus Vir Clarissime tum exi-  
miam singularemque doctrinam tuam, tum fa-  
vorem tuum erga me maximum quamquam  
insperatissimum coram extulit Physicus Petrus  
Carolus Borsalious assecla, & amicus meus suavissimus  
ad Patriam hancce suam studiis cumulatissimus redux,  
ut de priore illo merito tuo summopere gratulari ,

&c

& de altero vivacissimas tibi referre gratias vehementissime cogar. Nunc quidem video quo multiplici gaudio gessere debeat Patria isthaec mea, totaque secum Infubria non solum ob literarum nostrarum, Academiaeque nostrae dudum optatissimam restaurationem, verum enim ob adeo prudentem, plausibilemque usque decem doctissimorum Cathedrariorum delectum, quorum nobilissimum Socium Te intelligo esse, Vir Illustrissime. Nunc vetustum illud nostrum literarium decus, nunc jucunditatem, & utilitatem Gymnasio isto quam maximam Vobis Auctoribus longe cretutum esse vere speramus. Nunc equidem satis doleo, me a Patria mea dulcissima importunitissime discessisse, ubi nunc demum de disciplinis vestris, & gratiosissimo isto amore tuo tam magnum commodum percipere potuissem, atque hebetissimum, haesitantque ut plurimum ingenium meum feliciter erigere, atque illustrare. Qui factum fuit, Tu inquis, ut quum edictus fuerat ab Excellentissimo Mediolani Senatu Candidatorum ad hasce Cathedras conventus, tu coram eundem Amplissimum Ordinem non sistiteris, ex quo si Tibi peritia congrua non defecisset, nos tibi Collegas cooptavisses? Utinam, Amice insignis, expectatissimum nuncium illud non adeo sero ad me pervenisset, & cum pervenerit, nec nimis maxima de his aegrotis cura, nec aliae causae non paucae me hic coactum detinuissem, nec tandem me sic crudeliter exanimasset literularum mearum maxima inopia! Quos non meditaturs fueram modos conferendi omne studium ad Academiae istius nostrae decus augendum! Quam commodissimam de Medicina, praesertim Clinice tradenda methodum non statueram! Quae duo Vobis communicata, a Vobis aucta, & quod ad meas artes propius spectat, a Te praecipue ingenio & manu promptissime, perspicuam no-

bis gloriam erant fortasse comparatura. Atque ut consumendi ocii causa verba habeamus, quid de duobus hisce haecenus cogitaverim benigne accipite.

Postquam cum Bacone, Sydenhamo, Stahl, Baglivo, Boerhaavo, Furstenaeo, Bertrando, Jamesio, Roncallo cet. inutiles fere noverim Medicas doctrinas omnes, quae ab Observationibus nequaquam recta proficiuntur, omnia Clinices fundamenta in solis Observationibus censui stabilienda. Ad hunc, ut videris, optimum & probatissimum finem millenas plus minus a mea quatuordecim annorum Clinice ortas Observationes in Commentaria conjeci, & conjicere pergo in varias classes postea distributurus. Sed haec nonnisi exigua basis est vastissimi aedificii. Infinitarum pene alienarum Observationum vim tam a Veteribus quam a Nuperis, Exteris & Nostratis, illustribus & ignobilibus etiam Auctoribus aliquo tamen temporum, atque librorum ordine coacervare jamdiu incepti; meis & alienis omnibus in sententiosos Epilogos perstrictis, eas in quatuor ad amissim Tractatus disponere animus est, & in

I. Signa, sedes, & causas morborum ab omnibus & Clinicorum Observationibus, & Cadaverum Sectionibus inquisitas caute statuere; in

II. Generalia prognosticorum dogmata eadem ratione texere tum quod ad acutos attinet morbos, tum quod ad chronicos, circa quos ultimos certe nonnisi sparsa huc usque reperiuntur, nec plurima praecipue ad praefagiendum documenta: in

III. Remediorum omnium tam bonos, quam malos, tam nullos, quam lethales effectus in morbis singulis fidelissime recensere: in

IV. Auctorum praecipue Clarissimorum doctrinas cum constantibus naturae, & remediorum effectibus breviter comparare, & quae adhuc incerta sunt, a certioribus dijudicare.

Haec

( XLI )

Haec autem persequens Auctorum singula loca religiose allegabo , ex quibus sententias illas eruerim : severiorique latino stilo conscribam , vocabula illa omnia prorsus rejiciens , quae tamen apud Medicos etiam literatissimos sint usitata , ea tamen vitare posse volens confido.

Cujus immensi propemodum laboris hoc opus futurum sit , Tu ante alios potes perspicere , Vir doctissime . Attamen si libuisset Amplissimo isti Ordini haec mea studia Clementia sua magnanima & benignissima excipere , atque ultro fovere , idem pro viribus & copia mea ad amussim exequuturum conatus essem quam cito : quum contra si nullus stimulus proclivi animo admoveretur , in longius equidem tempus perfectio operis protrahetur.

Sed & alia rursus molimina praeter hosce Tractatus ad Academiae Nostrae & Clinices dignitatem amplificandam mecum corde volutaveram , ut inter cetera umbratilem exercitationem , quam alias antedissecessum meum a Patria domi institueram , vivaciori cura repetere , atque instaurare , ad quam exercitationem unaquaque hebdomada discipuli conveniebant considerationes suas super morborum historias eidem traditas accuratissime exponentes , recitantes , ac denuo perpendentes , & ad scribenda consilia , discutendasque quaestiones medicas se exercentes omnem quantamcunque eruditionem , quae attinet ad Physiologiam , Medicinamque sedulo perlustrabant . Ad cujus , aliorumque literariorum moliminum , quae nunc silentio dissimulo , ne jactationis accuter , felicissimum exitum , Vestrum , non inquam , Societati duntaxat , verum auctoritati & laboribus spem plurimam collocavissem . Sed enim quum nihil fere fors fortuna me , meaque incoepta , & cogitata usque adhuc secundet , ipsisque perpetuo impar ego manere cogar

( XLII )

cogār , Tu me interea literatissimo Commercio Tuo humanissime consolare , Te certiore faciendo , quod amor , & favor Tuus cuicumque aliusmodi fortunae meae aequilibris apud me semper futurus affabre est. Cura ut valeas optime Vir , & literariam rem me felicior , uti & aptior auge.

Data XVI. Cal. Aug. A. C. MDCCLXIII. Garbanae inter Dertonam , & Genuam.



( XLIII )

OPUSC. V.

De Attonito Voluntario diuque  
mortuo credito .



Amplissimo ac Celeberrimo Viro  
**ALBERTO HALLERO**

Dynasti, in Supremo Senatu Bernensi CCVIRO  
Nobili Anglo , Britannici Regis Consiliario  
Aulico  
atque Archiatrorum Comiti , Omnium fere  
Academ. Sc. Socio  
& Regiae Gottingensis Perpetuo Praefidi  
**E G N A T I U S M O N T I U S**  
Pap. Phys. S. P.

**R**urimas rependens gratias & Tibi Praefes  
Amplissime , & istis Academicis Viris omni-  
bus de liberali Cooptatione in tam illustre  
Regiumque Collegium Vestrum , de qua  
confertim , Tua opera , me pridem honora-  
vistis singularem prorsus historiam Vobis subjiciam  
de Voluntario Attonito , ut cum Syvieteno (a) &  
Mor-

---

(a) *Comment. in Herm. Boerh. Aph. 1007.*

Morgagno (b) hoc Celsi (c) nomine utar in sensum hunc ; cujus portenti vix duo similia intelligo fuisse exempla , alterum apud Cardanum nostrum (d) quod etiam Zacchias memorat (e) alterum apud Cheyne (f) , ut a Te doceor eruditissime Vir (g) , tamen Sapientissimus Dynastes Caelareusque Archiater Svvietenus cuilibet fere homini tribuere videatur potestatem sese attonitum fingendi , & membra omnia retinendi in eodem situ , quem antea habebat (h) ut citatus Cardanus Turcis id frequens esse asseverat (i).

Gregorius itaque Cartagena Sagax praetermodum , fidei tamen plenus proximi ruris Villicus hisce viciniis omnibus notus , dum bellum jamdiu in Insubria fieret , in manus cecidit inimicorum qui ob aliquam injustam , opinor , causam tanquam exploratorem compedibus detinere , eum insuper minis adeo terribantes ut infelici ligno brevi se suspendendum crediderit . Post aliquot dies , Numinis fervidissima oratione antea implorato , statuit se mortuum simulare . VIII. igitur Cal. Sept. circa plus minus tertiam , seu Italicam horam xiv. solo sponte prostratus Custodem Carceris expectavit , qui parcissimum , sive jentaculum sive prandium eo constituto tempore eidem ferre solebat . Ingrediente Custode spiritum retinere ,

om-

(b) *De Sedib. & Cur. Morb. Ep. II.*

(c) *lib. III. cap. xxvi.*

(d) *De Varier. lib. VIII. cap. xl iiii.*

(e) *Quaest. Med. Leg. lib. III. Tit. II. q. viii.*

(f) *The English malady.*

(g) *in Meth. Stud. Med. Boerb. T. I. pagg. 387. & 390. Edit. Ven. MDCCLIII.*

(h) *Comment. cit. Aph. 1041.*

(i) *loc. cit.*

omnemque motum comprimere ita valuit , ut Custos ille rem admiratus hominem vel jam extinctum vel morti proximum autumans diligentiam contulit omnem ad jacentis vitam , ut melius potuit explorandam . Eidem appropinquatus hunc inclamavit , concussit , urfit , pupugit , utraque nunc illi sustulit brachia , nunc crura , nunc caput : ipse autem Gregorius non respirabat , & membra omnia veluti jam rigentia mollissime remittebat . Accedit quod exstuant illo tempore magna muscarum vis totum jacentis corpus obfederat ; quapropter Ergastularius exanimatum penitus esse Gregorium Praetori detulit , qui tamen Medico una Chirurgo accitis accuratius praecipit adstans experimentum . Vena ideo a non inhabili Physico tactu exploratur , sed nihil micat : manus diutine pectori applicata nullam palpitationem cordis persequitur : eum modo e frigida , modo ex aceto aspergunt , illius ori & naribus candelam accensam admovent , nulla motiuncula , ac nullus halitus perspicitur . Omnes praeter Physicum solum Gregorium mortuum judicabant . Hic autem hominem illum exspiravisse animam non rebatur , nisi quod suus faciei color adhuc constabat ; quae tamen species , ut ex Morgagno scimus admodum incertum praebet vitae argumentum . Hic enim maximus Vir & Senis faciem postridie ab ejus morte adhuc subrubentem vidit (k) & quod magis mirandum est , pueri genas quarto post ejus obitum die colore roseo pulchras adhuc conspexit (l) . Ad alia ergo vehementiora tentamina devenit . Humeris ei denudatis cucurbitulae impositae concisa cute ; Dein aliqui pedum digiti arctissime deligati ; minimi autem  
manuum

---

(k) *Op. cit. Ep. xxvi. n. 33.*

(l) *Ep. xiv. n. 3.*

( XLVI )

manuum usque dum nigricaverint defricati ; dentes , quos summa vi constrictos tenebat , spatulis sed incassum perrumpere conati sunt , & guttas aliquot liquoris subtilissimi ex ammoniaco elicitum immittere , quarum irritamento obsistere , revera , ut falsus est postmodum , vix ipse valuit , ac sibi id etiam bene successit . Quid quaeris ? Usque unguis manuum , plantarumque ei festucarum peracutarum ope retrorsum flexae . Ipse autem intrepidus ac immobilis cruciatibus hisce restitit usque ad primam vigiliam , scilicet per x. saltem , aut xi. horarum spatium . Proposita deinceps fuerant missiones sanguinis , cauteria , & alia hujuscemodi , sed quum inania denique ac inutilia omnia Speculatores , & Spectatores concorditer reputaverint , perinde mortuum dereliquerunt . Catastrophæ hujus fabulae ita orta est . Sacerdos quidam , qui ex abundanti vocatus fuerat , ut religionis gratia Gregorio , ubi revixerit , praesto esset , prudenti constantiorique percitus pietate serius apud illum remanserat post aliorum discessum . Huic Gregorius , ut novit se solos esse , laboriosissimam fictionem suam , stomachumque in aurem detexit . Hic autem clam deportari ut cadaver periclitantem hominem studuit , eumque ab imminente forsitan supplicio felici eventu subtraxit .

Historiam hanc ubi literatissimis Gottingensibus Sociis , tuisque Amicis Verlhoffio praelertim Britannici Regis Medico , & Rosenteinio totius Regni Sveciae Archiatro , quibus Tu maxima humanitate me , meaque alia Opuscula jampridem notificasti favore novo mittas , ipsis a me dicas salutem precor & diutissime vale Tu Vir Amplissime & gratiosissime in praesens & in futurum laudabilis & admirande . Data Garbanae x. Cal. Maii . A. MDCCLXVI.

FINIS.